

محل مطبعه و اداره :

جفـال اوغلـنده امنيت
صندوغي جوارنده
شنكول يقوشنده
۲۲ نومرو

مُشَاقَقَاتُ

اضطار :

مسلكمزه موافق آثار
جدیه مع الممنونیه
قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، و سیاسیات و بهالخاصه احوال و شئون اسلامیه و بحث ایدر و لطفه ده به نشر اولنور .

صاحب و مؤسسلری :

آبونه بدلی

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

سنه لکی	التی آیلغی	غروش
۶۵	۳۵	۳۵
۶۵	۳۵	۳۵
۱۷	۹	فرانق

در سعادتده نسخہ سی ۵۰ پاره در
قیرلہ دن مقوا بورو ایله کوندربیلر سه سنوی
۲۰ غروش فضلہ آلنیر

عدد : ۱۱۵

۱۵ ذی القعدہ پنجشنبه ۴ تشرین ثانی ۳۲۶

بشنجی جلد

لا يستلزم استنساخ أحكامه وتبديل حقيقته .

فاذا علمت ذلك فنقول ان بمقتضى حكم الاخاء الديني بين المسلمين حكم الله وهو احكام الحاكمين بنسخ العداوات الجنسية فيما بينهم لاتمام الاخوة فجنس الانسان وفصله الذي اتفق عليه العموم الناطقية فاذا صح ان عموم الانسان نوع صح ان ماتحته لا يكون جنسا مطلقا . وعليه فتسمية الشعوب والقبائل بالاجناس تسامح غير صحيح لانه غير قابل التعقن حتى عند المعنويين المحض . فلذلك لم يرد في القرآن لفظ الاجناس عن الناس ولكن ورد لفظ امم وشعوب وقبائل وغير ذلك ماعدا لفظ الجنس . وان القبائل والشعوب والقوميات المتعددة في العائلة الادمية لاتنفي في التوحد القائم بين جميع الافراد اذا لمغايرة مغايرة عرضية واختلاف الاقوام باللغات هي عارية وتعليمية فكما جاز للعربي مثالا معرفة التكلم بلغته يجوز ان يشاركه غيره فيها وان يشاركه هو غيره في لغة من اللغات . وقس على ذلك التباين في الالوان والاشكال فلاشك انها من تأثيرات الجوو الاقاليم بمقتضى الحرارة والبرودة وغيرها من اسباب عرضية لادخل لها في الحقيقة الذاتية ولا الجنسية وان الفضائل والرزائل والرزايا والمزايا لا تحقق لها في القومية والقبيلة والعشيرة انما هي متعلقة بالاشخاص وصادرة منها . ولما كان الدين جاء لاصلاح الخليفة ومحقق العادات الرذيلة وبيان الحقيقة وكانت غاية الاصلاح انما هي تعمم الفضيلة وانسلاخ الرذيلة نهى الله سبحانه وتعالى عن التعالي بالشعوب والقبائل والتباين بالالقب والعتو بالبنى والفساد وعن اعتصاب القومى ومتفرعاته لتكون سببا للتعارف الذى ذكره الله عز وجل ومؤدبا للاخوة والاتفاق فيما اجتبه الله تعالى بقوله (انا كرمكم عند الله اتقاكم) والتقى هو المطيع المنقاد الى كافة احكام ما امره الله المتكفلة بانتظام العالم الهادى الى سواء سبيل العدالة والمساواة فمن كان تقيا (عربيا كان او عجميا ، هنديا وتركيا ، غنيا او فقيرا من غير تفريق قبائل وشعوب) هو عند الله اكرم وللأخوة اقوم . وفي الاية اشارة بان لا يجوز لاحد ان يتخرب اسبب من الاسباب او يرجع نفسه على غيره لنوال حق اولسقوط حق من الحقوق على صورة غير مشروعة توحيدا لشمل الامة المختلطة من العناصر المختلفة الكائنة بين المسلمين . والحكمة في ذلك ان كل مجتمع لا يمكن ان يصلح حاله ويرتقى شأن الا اذا تمت بين افراد اسباب التعاون ولاسبيل الى ذلك الا بتكئين قواعد الوحدة والاجتماع في العمل والانتفاع بالثمرة لتقابل الحقوق في المعاملات والواجبات في الحدود . ولا مكان لذلك الا بالعدل الممكن والتعاون والتفاضل بحسب الاستحقاق على ماقرره الشرع حتى تتجه امال المتفعين اولا الى حوز الاستحقاق بالصورة المشروعة . وتنقطع امال الاستفادة من غير الوجهة الصحيحة فينشأ بذلك بين الناس فكر المسارعة الى الخير والتباعد من الشر لتيقن النفع في الاولى والضرر في الثانية فيجن الآن لانكر اعتبار النسب وشرفه فان للنسب اعتبارا وشرفا عرفا وشرعا (وهذا مستغن عن البيان لكننا نقول اذا جعلت القومية او العائلة او القبيلة والفصيلة والعشيرة شرطا لنوال حق اولسقوط حق امتنع على افراد غيرها النوال وحتم ذلك السقوط . لان السعى والاجتهاد لا يوصلانهم الا الخروج من ذلك الشرط فتتصرف الهمم من طلب الفضيلة التي كانت تؤهل لذلك النوال .

او تحمى من ذلك السقوط ولا تتحاشى الرذيلة التي كانت تعد مانعة لنوال لامتناعه من وجه آخر . او التي كانت تقتضى سقوط ذلك الحق اذ هو قد سقط من وجه ثان كالاخفى . وهو الحد الفاصل بين المجتمع وبين السعادة الممكنة او التوفى فيها باى صورة كانت . اما اذا كان حوز الحق وسقوطه موقوفا على حوز الاستحقاق وسلبه كان التكليف بالامر المستطاع لانه كسبي فتتجه الهمم الى تحصيل الصفة التي تحوله الحق وتمنعه السقوط فيكون هنالك التسابق في الفضيلة لانه يحصر الفائدة فيها وعدم تصور مانع له بعد حوزها وفي التنزه من الرذيلة لتحقق الشرف فيها وانحصار الخير في التباعد عنها والامن من سقوط الحق بوجه او بسيطرة اخرى مادام محتبها وبذلك تتم ملكات الفضيلة والعمل في المجتمع فيأخذ في التنافس فيها لحب استزادة المنافع ويعم التباعد من الرذيلة المؤدية الى الفساد المحققة الاضرار . فبذلك تتم المساواة والارتقاء العمومى ويندرجان الى معارج الكمال في هذا الحال .

وهذا هو حقيقة احكام الشريعة المحمدية الموصلة الى ذروة المدنية التي بها ينتظم نظام العالم ويفوز بالسعادة في جميع ما يحتاج اليه بنى آدم وفيها استكمال التعارف بين الهيئة الاجتماعية المشتركة في النفع والضرر والالفة التي بها هناء العيش وطيب الحياة لابناء البشر والمواخاة التي تحمى افرادها من الوعر . فهي الهادية الى كل صلاح والدنيا والآخرة المرشدة الى قواعد الاتفاق والاتحاد وجمع الكلمة فيا معاشر المسلمين ! فاذا علمتم ان الادلة الشرعية والنقلية والعقلية والطبيعية والحسية باجمعها تدل على وجوب المواخاة وفهمتم ان الاختلافات القومية والعنصرية وكذلك الاختلاف باللغات في الالسن والتغير بالالوان والاشكال باسرها لم تكن مانعة من الالفة والمواخاة على كلمة واحدة فكونوا عباد الله اخوانا ويدا واحدة لتسلموا من الاعداء وتنالوا النجاح ومن الله التوفيق ونسئله ان يكون لنا في الدنيا معين وفي الآخرة رفيق .

وفا

روسيه خارجيه ناظر سابقي ايزوولسكى

— ٢ —

ايزوولسكى - ارنتال دوئلوسنده ايلك حملاي ايدن ايزوولسكى اولمشدى : مورشتهغ پروغرامنك روخندن آريلوب ، مايدونيا « اصلاحاتى » تكاملنده سن جهيمس قاينيهسى آمالنه تقرب ايتمشدى ؛ حتى آلمانايى وآلمانيا واسطه سيله أوستريا - مجارستانى ده يدمك اميدنده ايدى . ارنتال ، حملايه مهارتله قارشى قودى : سنجاق تيمور يولى فكرينى اورتهيه چيقاردى ؛ مايدونياده « اصلاحات » ياپلماسيجون استانبولده تأثيرات اجراسندن ، متفقى آلمانيا الله برابر ، استسكاف ايتدى . سلطان ايسه ، سنجاق تيمور يولنه راضى اولور كى كورنمش ، « عدليه اصلاحاتنه » اصلا ينشامشدى . ديمك اوليوركه ارنتال ، بو ايلك چايشمهده خصمىنك حملاينى هييج بر ضررسز صاووشدر دقدن باشقه ، ايزوولسكىنك صول قابورغه سنه سنجاق يولندن عبارت بر تيمور ضربهسى اينديرمهيه بيله موفق

اولمشدی . ایزوولسکینک موفقیتسزلسکی دولت عثمانیه منافعی نقطه نظرندن اهون شرین ایدی . ما کدونیا ده « اصلاحات عدلیه نك حیز فعله وصولی ، ولایات ثلاثیهی مرکز سلطنته باغلایان روابط سیاسیه نك آرتق تام قوپاجق بر راده به کله سی دیمکدی . واقعا سنجاق شمن دوفری ده آوستریا مجارستانك بالقان حاکمیت مستقبله سیچون حاضر لامقده اولدیغی وسائطه بر تیمور آلت ده ها علاوه ایتمکدن باشقه برشی دکادی . فقط ، حکومت عثمانیه نك ، بالقانلرده مستقبلاً ماحوظ آوستریا مجارستان استیلاسی تهله کسندن زیاده ، حال حاضرده موجود اسلاو مخاطره سندن اورکمه سی ، ده ها طبیعی ودها معقول ایدی .

ایلك جمله ده موفقیتسزلك ، ایزوولسکینک همته ، غیرته اصلا کسل ویرمدی ، همان ایکنجی جمله یی ایدی : ارنتالک سنجاق تیمور یولنه قارشی ، اونی کسوب کیدن طونه - آدریانق خطی پروژه سنی اوکه سوردی . پکی ، دیمک ایسته دی ، مادام که سز ، آلمان و مجارلر ، بوسنه - هر سکن ، سنجاق بوغازینی آشارق ، سلاویه صارق ایستورسکر ، بز ، اسلاولرده ، قراللق صربلرینی ، عثمانلی صربلرینی وقره طاغیلری برلشدیرن بر اسلاو خطیله ، بوغازک مخرجنده اوککزه چقارز ، وسزی « صربلک مرکزی اولان » قوصووه به اصلا ایندیرمه یز .

لکن غیربدرکه موسیو ایزوولسکی ، برطرفدن ارنتال ایله بویه دوکیشوب طوریرکن ، دیگر طرفندن ده اونی محرم اسراری اتحاد ایدرک ، اکیزلی دوشنجه لرینی اوکا آچقندن چکنم یور : « ارنتالک سنجاق تیمور یولی واسطه سیله ، کانون ثانی ده چالیدی غلبه دن صوکره ، روسیه خارجیه ناظری ، آوستریالی رفیق ایله اکی محرم مکالمه کیرشیور . بومکالمه نك موضوعی پک مهمدر : ایزوولسکی وارنتال ، تورکیه ده وقوعی محتمل اموردن مثلاً عبدالحمیدک وفاتندن ، سلاله حکمدارینک سقوطندن ، شکل حکومتک تبدلندن تورکیه نك تقسیمندن بحث ایدرلر . . . روسیه ایمپراطورینک ۱۹۰۸ سنه سی مایسنده ره وولده قرال ادواردله ملاقاتنده دخی ، مواد مذکورده بحث ایدیلمش اولسه کرکدر . ۱۹۰۸ سنه سی حیزراننده ، خارجیه ناظریمز ، آوستریالی خصمنه برخطره کوندریور . (Aide-mémoire 19 juin) و بوخطره سنده دریاتیک تیمور یولی عوضنه سنجاق خط حدیدینه راضی اولدقندن فضله ، اکر آوستریا - مجارستان بوغازلرک آچلماسنه عواقت ایدرسه ، مذکور دولتک بوسنه وهرسک وحتی بعض شرائط دأره سنده یکی بازار سنجاغی اوزرینه حقوق عالیه سنی تصدیق تکلیفنده بولشیور . . . » (مولیقوقک یوقاریده مذکور نطقندن) ایزوولسکی ارنتال دوللوسنده ، بز تورکلر ایچون اکی اهمیتی آن ، اشبو افکارک زمان مبادله سیدر . چونکه بو ائاده دولت عثمانیه نك حیات و مماتی موضوع بحثدر . بو فوق العاده مهم مکالمه یی ایلك اوکجه سزوب ، مهم بر صورتده عالمه افشا ایدن ، « تایمس » غزته سی اولمشدی . « تایمس » ، آغستوس (۱۹۰۸) نسخه لرندن

برنده ، بوسنه - هرسک و یکی بازارک آوستریا مجارستانه تمامی الحاقنه دائر پترسبورغ و ویانه قاینه لری آره سنده مبادله افکار واقع اولدیغی وحتی روسیه خارجیه ناظرینک آوستریالی آرقداشنه بوباده ۶-۱۹ حیزران ۱۹۰۸) تاریخی برخطره بیه ویرمش بولندیغی ادعا ایله مشدی . لوندره جریده معتبره سکن بوخبری صحیح چیقارسه ، روسیه خارجیه ناظری ، اسلاو منافع عمومیه سنه خیانت ایتمش ، دیمک اولاجقدی . اسلاو افکار عمومیه سی غلیانه کلدی . روسیه خارجیه ناظرکی : « استخبارات قلمی » وساطتیله واقعک رسماً تکذیبنه بیه قالقشدی . لکن بوکذب رسمینک عمری ده ، هریالان کبی پک قیصه سورمشدر : پترسبورغده تکذیب ایله اوغراشیلوب طوریرکن ، معلومات مهمه یی بالذات موسیو ایزوولسکین آلوب ، اونک سیاستنی مدافعه به قالقیشان برذاتک مقاله سی « Fortnightly review » نام انکلیز مجموعه سیاسیه سکن ایلول (۱۹۰۹) نسخه سنده انتشار ایله مشدر . بو مقاله ده موسیو ایزوولسکینک وکیل مدافعی ، روسیه خارجیه ناظرینک بوغازلره مقابل بوسنه - هرسک و یکی بازار سنجاغی صادیغی ضمناً اعتراف ایدیوردی . لکن ، بزجه انکلیز مجموعه سنده مندرج اعترافاتک اکی مهم جهتی بالذات بازارلق اولمایوب ، بازارلق انساننده موضوع بحث اولان تورکیه نك تقسیم مسأله سیدر . مولیقوقک یوقاریده مذکور نطقنده بوبک مهم مبادله افکارک وجه مختصری موجود ایدی . انکلیز مجموعه سنده ایسه بونک بر آردها مفصلی کوریلور : « بارون ارنتال ، عبدالحمیدک اجل قضا ایله وفاتی متعاقب حاصل اوله جق آنارشی هنکامنده آوستریا - مجارستانک سلاویه اینک واستانبول بوغازینه سفائن حربیه کوندرمک حتی محفوظ اولدیغی اخطار ایدی . روسیه خارجیه ناظری ، بوکا مقابل ، سلطانک صحنه دن چکلدیکنی خبر آلور آلاماز ، قره دکز فیلوسی قوماندانه ، درعب استانبوله کیده رک ، بوغاز ایچنک هر ایکی ساحلنده کی سوق الحیش نقطه لرینی طومق وایجاب ایدرسه استانبول وبک اوغلنده عسکر دوکک امرینی ویره جکنک آوستریا خارجیه ناظرینه جواباً عرضی کندی سفیرینه سپارش ایله دی . [۱] اونودلما ملیدرکه مبادله افکارک انکلیز مجموعه سنده انتشاری ، ۱۹۰۹ سنه سی ایلولنده ایسه ده ، وقوعی ۱۹۰۸ سنه سی ایلك بهارنده در .

بوبر قاج سطر اوقونیلور اوقونیلماز ، درحال کوریلورکه ایزوولسکینک مدافعی ، مناسبات سیاسیه یی ایسته دیکی ، ایشینه کلدیکی بر نقطه دن حکایه به باشلامشدر . بارون ارنتالک ، طوروب طوریرکن ، بو قدر قورقوج و عظیم وقایع مستقبلی ، غیبدن خبر ویریرجه سنه ، درمیانه قالقشده سی غریب کلور . موضوع بحث ، سنجاق و آدریانق تیمور یولاری ایکن ، مکالمه نك ، تورکیه تقسیم وادیسنه دوکله سیچون ، البته دیگر بر سائقه احتیاج واردر . اکر ، موسیو مولیقوقک تخمینی یا کلش دکل ایسه یعنی ره وول ملاقاتنده ، حقیقه تورکیه تقسیم حقیقه مبادله فکر [۱] تورکجه به روسجه ترجمه سندن نقل اولمشدر .

ايديلمش ايسه ، ارنتالک سوزى بر درجه يه قدر ا کلاشيلور : تورکيه تقسيمى دوشونهن روسيه وانکلتريه بر جواب ديمک اولور . بونکله برابر ، انقلاب عثمانيدن بر آزاون جريان ايتمش بواسرار انکيز مکالمه نك ونتايچنک قراکلى نقطه لرى هنوز باقيدر : انکلتريه ، روسيه ويا آوستريا مجارستان ، تورکيه ده حاضر لانان وقايى ، بو قدر وضوح ايله ناصل بياورلردى ؟ بونک له ويا علمنده اتخاذ تدابير ايتديلرمى ؟ ايتديلرسه تأثيرى اولدى ؟ ايزوولسكى وارنتالک بو مذاکره دن مطلوبلى نه ايدى ؟ ايزوولسكى بونى افشا ايله نه قزائمق ايسته دى ؟ انقلاب عثمانى انساننده ناصل بحرکت ايتديلر ؟ بحث ايتکلرى تدابير عسکريه يه کيم ونه مانع اولدى ؟.. الخ .

بوسؤاللرک جوابى ، بنجه تماماً مجهول اولمقله برابر ، شومعلومدر . که حادثه مترقبه ، قسماً وقوعه کلدى : دولت عثمانيه شکل اداره سنى تبديل ايتدى وعبدالحميد صحنه دن چکلدى . بونک اوزرينه ايزوولسكى همان ارنتالک يانسه ، (بوخلاو) ه قوشار ؛ صوک بهارک ياغمورلى وصوئوق برکوتنى ، (۳ ايلول ۱۹۰۸) ، ايکى رقيب ، صوبالى ، کوچوک براوطه ده ، مکالمات سياسيه ايله کچريرلر . سوز آراده قالور ، يالکيز وقايى ميدانه چيقار : ايلولاک سکزنده فرديناند ، بلغارستان قرالغنى اعلان ايديله جکنى ناظرلرينه باتلغراف بيلديردى . ايلولاک يکرمى ايکنجى کونى ، بوسنه - هرسلک آوسترياه الحاقى اعلان اولدى . او آزالق ايزوولسكى ده بوغازلرک آچلمش اولديغنى اعلان ايتک ايستره ، لکن ايدمهز ؛ زيرا ، رقيبى ارنتال ، (بوخلاو) ملاقاتنده ، بوسنه وهرسلک عوضنده بوغازلرک آچلمه سنه راضى اولور کي کورينمش ايسه ده ، دوستلرى پيشون و غره ي بوکا موافقت ايتزلر ؛ هله پاريسده ايزوولسکينک بوتون دنيايى آلت اوست ايدمه بيه جک تعويضات طلبندن پک قورقارلر . کرجه ، لوندريه ده بر قونفرانس دن بحث اولنور ، لکن نبرلين ونه ده ويانه قرفه رانس سوزىنى ايشتمک بيله ايسته مز . حاصلى ، موسيو ايزوولسكى اوروپا مراکز حکومتده برچوق اوزون هفته لر مکيک کي دولاشديغى حالده ، هيچ برشى قازانه مادن « آئنده کي قوزلرى يول بويى اکوب دوکهرک » خائب و حاسر ، پترسبورغه مقام نظارتنه عودت ايلهر .

کوريلورکه روسيه خارجيه ناظرى ايکنجى جمله سنده برنجيدندن ده اآز طالعيدر . بوسفر ، جنوبى اسلاولنى ايکي به آيراجق برتيور يول لايحه سيله ده قالميور ، ايکى قوجه ايلت ، بويوک بر مملکت ، دولت عثمانيه تحت حاکميتدن چيقارلق صورتيله اسلاواقدن قوپاريلمش اوليور . اسلاولر ، هلالک سايه سکوننده ياشايان نسلداشليک برکون اولوب ده کسب استقلال ايلهرک اسلاو کتله عظيمه سنه التحاق ايليه . جکلرندن اميندرلر ؛ لکن ايکى باشلى هابسبورغ قارتالک نچه سنه کچمش اسلاولردن ، هيچ اولمازسه اوزونجه بر مدت ايچون قطع اميد ايتک لازمکليور . بوتون بوضايعاته تعويضاً هيچ اولمازسه ، بوغازلرى آچه بيلمش اولسه ايدى ! اوده يوق ...

بوسنه وهرسلک ضربه سى اوزرينه ايزوولسكى سرمله دى ، سنده

لدى . هرکس اونى آرتق دوشه جک ظن ايتمشدى . فقط پترسبورغ سرايى ، ده ها طوغرى بسى باشنده چاريچه والده بولونان بر سر اى حزبى قوت الظهر اولدى . ايزوولسكى کندينى طوبلا دى ، وخصمه بر جمله ده ايدمه جک قدر کندنده قوت بولدى .

« الحاق » اسلاولر قدر تورکلرى ده قيزديرمشدى . کنج تورکيه نك فرداى ظفرنده آوستريا - مجارستاندن کوردیکی بوحرکت غيرمخالصتکلر رانه ، اوروپا دول مرکز يه سنک طرفدار استبداد اولمى سى حکايه سنه منظم اوله رق ، استانبولده زمامداران امورى جوشديرمشدى . کنج تورکلر ، الحاقى ، مسلکلى علمنده برحرکت کي تلقى بهک ميال ايديلر ، آوستريا - مجارستانک ؛ بوسنه وهرسكى الحاق ايتمه سى ، کنج و اختيار تورکلره خصومت ويا محبتدن دکل ، جرمن - اسلاو نزاع تاريخيسنک مجبورى الحاصول بر صفحه سى اولديغى او زمانلر استانبولده اثباته قالقيشمق ، هيچ ديکنمه ميه محکوم اولمق ديمکدى . بوندن باشقه ، انکلتريه وفرانسه ، کنج تورکلک تاريخنده برخيلى خاطرات مخادنت براقشيلردى فرانسه و انکلتريه نك دور تنظيماتده کي مظاهرتلرى ، ترقي پرورانک حافظه لرنده منقوش اولديغى کي ، محبس ومنفاده عمر کچيرنلرک شکران شخصيلرى ده حريت پرور دنيلن غرب دولترينه متوجه دى . حاصلى انکيز وفرانسز محبتى کنج تورکلکک عنعنه سندندي ، انکلتريه وفرانسه ايسه ، اتفاق مثالنک رقيبلى ، روسيه نك دوستلرى ايدى ؛ انکلتريه و فرانسه يه قارشى بسله نيلن حس مخادنت ، مرکزى اوروپا دولتلردن عدم امنيت ، کنج تورکلرى ، بوتون ار ماضى حرب وجداله رغماً روسيه يه ، اسلاولره قريش ايدىوردى . بوکاشوده علاوه اولماليدر : استحصال حريت و استرداد مشروطيت ايچون بالقانلره چقان تورک احرارى ، روم ايلينک اسلاولرنده و على الخصوص بولغارلرنده وفا و صميميت کورمشيلردى . استبداد عليه نه آچلمش حربده کنج تورکلر بعض بولغار رؤسائى ايله (مثلاً صاندا نسكى وپانچا) عقد اتفاق ايلمش کي ايديلر .

ايزوولسكى احوال مبسوطه دن ، شو آن روچيدن استفاده ايدمه جک اولدى : تورکلرى ، بالقان اسلاولرى ايله برلشديروب ، جرمن و مجارلره قارشى قويى ايسته دى . کنج تورکلره ، آوستريا - مجارستانى ، حقوق صريحه لرينى غاصب ، حکومت جديده لرينک کسر حيايت و نفوذينه ساعى و نهايت سلانیکه قدر اوروپاى عثمانينک جهت شرقيه سنى استيلايه حاضر ، دشمن بردوات کي کوستره رک اونک حرکات استيلا کارانه سنى طور ديرمق ايچون بوتون بالقان سکنه سنک آل برلکيله مدافعه يه قيام ايتملرندن غيرى چاره اولما ديني سويلنديريوردى . بالقان اسلاولرينه ده مابينلرنده کي احتراصلرى ورقابتلرى اونوده رق وحتى بر مدت ايچون عدوماضى واستقباللرى اولان تورکلره بيله خوش چکنمه يه قاتلانهرق وطنلرينه يبانجى جرمن آياغى باصديرتمه ، يى وحتى اقتضا ايدرسه بو اوغورده حربدن بيله قاچينمايه يى تنيه ايتديريوردى . تورکلردن واسلاولردن بونصايحه قولاق آسانلر بولوندى . صربلر ، بوکون ، يارين آوستريا - مجارستانه اعلان حرب ايدمه جکلرمش کي کورلتى ايتديلر .

بعض تورکرده ، دولت عثمانیه نك تحت ریاستنده بر بالقان اتحادی حصولی ممکندر ، خیال خامنه قاپیلهرق ، بیلمه دن اسلاو مقاصدینه آلت اولیورلردی . برکت ویرسونکه عثمانی رجال حکومتی وکنچ تورکلکک اکثریتی ، آوستریا - مجارستان دشمنانغنی بویقوت اعلانندن ده ایلری یه کوتورمدیلر . صربلرک جنسکاورلکی ده . بلغراد سوقاقلرنده پک چوق پاطریتی اجتماع ونمایشلرله سوندی . چونکه صربلر ، روسیه نك معاونت برادرانه سندن امین اولمادقچه ، بر قاج کون ایچنده کنسیدلرینی صیقوب محو ایده بیله جک آوستریا - مجارستانه حربه کیره مزلردی . روسیه خارجیه نظری بر طرفدن بالقان اقوامی آوستریا - مجارستان علیه ترغیب ایله اوغراشیرکن . دیگر طرفندن ده ، بوسنه وهرسک الحاقی نه تورکیه نك ونه ده دیگر بر آوروپا دولتکک خود بخود تصدیق ایده میه جکلرینی ، زیرا ، بوسنه وهرسکک آوستریا و مجارستان اشغال عسکریمی آلتنده بولمنی ، برلین معاهده نامه سی مقرراتندن اولوب ، بو قراری آنجق بر آوروپا قونفهرانسی بوزه - بیله جکنی وبنسء علیه بر قونفهرانس عقدی لزومنی ادعاده اصرار ایلوردی . حالوکه ، بر آز یوقلریده سویلرکمز وجهله ، ویانه وبرلینده قونفهرانس سوزینی ایشیتکک بیله ایسته میوردی : مادامکه آوستریا - مجارستان ، اوتوز سنه دن بری تحت اشغال عسکر یسنده بولندیردینی عثمانی ولایتلرینک الحاقی اعلان ایتدی ، بوباده کی مذاکرات آنجق آوستریا - مجارستان ایله باب عالی آره سنده جریان ایتلیدر ، باشقه دولتلرک بوکا مداخله یه حق وصلاحیتلری یوقدر ، دیورلردی . ایزوولسکی نك صربلری تشویقه بر آز ایلری کیتمه سی اوزرینه در حال آلمانیا ایمپراطوری و آوستریا ولی عهدینک ملاقاتی واقع اوله رق ، آلمان قومنک عهده وفاسندن بحث ایدیلدی ، و آوستریا - مجارستان ایله آلمانیا آره سنده منعقد معاهده قدیمه نك ، بر روس - آوستریا حربی وقوعنده ، آلمانیا نك معاونته مجبورتی فقره سی نشر اولندی . ایزوولسکی بو تهدید اوزرینه ده تسلیم سلاح ایتدیکندن ، روسیه برنوع اولتیماتوم ویریلدی (۱۲ مارت ۱۹۰۹) . ایزوولسکی آوستریا و آلمانیا حربی کوزه آلدیره حق قدر قوتل دکلدی : بوسنه وهرسکک الحاقی تصدیق ، قونفهرانسندن فراغت ، و صربیه یه توصیه عقل وسکونت ایتدی ...

پترسبورغده نقطه استناد بولامینجه ، صربستانک هیجان وشدتی ، پک چابوق مبدل سکونت اولدی .

او آره لق تورکیه ده ، ۳۱ مارت واقعه سی ظهوره کلکله ، باب عالیده ، هیچ اولمازسه بر آن اول غوائل خارجیه دن قورتولمش اولمق ایچون ، قونفهرانسندن فلان واز کچه رک ، بوسنه وهرسکک الحاقی ، جزوی بر تعویض مالی مقابلنده تصدیقه و بویقوت تازک قطعه مسارعت ایلادی . الحاصل ، ایزوولسکی ایله ارنستاک بو صوک طوتوشمه لرنده روسیه خارجیه نظری تماماً یکلمش ، وروسیه دیپلوماسینک شرف و حیثیتی پک آغیر یارالمش ایدی ،

بعض روسلرک دیدیکته باقیلورسه ، روس سیاست خارجیه سنک

بویله آجی بر موفقیتسنزلکی ، تاریخده اندردر . ۱۲ مارت مغلوبیتندن صوکره ، موسیو ایزوولسکی نك حیات سیاسی خامه ایرمش دنیه بیلور . یونکله برابر ، ایزوولسکی مقام نظارتی ، ده ابر بوجوق سنه قدر محافظه ایدر . حتی بو مدت ظرفنده ، اولجه اولدینی کبی فعالیت وشدته دکل ، احتیاط وسکونتله ینه بالقانلرده بر شیر یامق ، بالقان اتفاق خیالی ادامه یه چالیشمق ایستر . بالقان دولتلرندن بعضلرینه اتحاده تردینا توسع امیدلرینی بسلندیریر ، با خصوص بولغارلره ، یالکز . آوستریادن دکل ، روسیه دن ده بر خیلی منافع بکلیه بیله جکلرینی اکلایوب ، آیاستفانوس معاهده سنی ، « بویوک بولغارستان » ی خاطر لاتیر . و عینی زمانده ، دولت عثمانیه مدیران امورینی ، عثمانی افکار عمومی سنی ، عثمانیلرده داخل اولمق اوزره تأسس ایده جک بالقان اتفاق فکرینه آلیشدیرمق ایچون اوغراشور . لکن بوتون بو مساعی پک بیهوده در ! بر ایکی سنه لک وقایع ، آوروپای عثمانینک حیاته اک مه لک عناصر ، اسلاو دولتلری اولدینغی تورکرلر نرندنده تبیین ایله مشدر . شمالی اسلاو آراسنده بر قاج سنه دن بری تکرار شدتی قاینامایه باشلایان اتحاد اسلاو افکاری کافی کلیورمش کبی ، پان اسلاویستلرک ، تا صوفیه یه ، تورکیه ایمپراطورلغنک برونی اوجنه کلوب ، شمه لی نمایشلرده بولونشلری ، آرتق کور اولانلرک بیله کوزینی آچمشدر . اسلاو ته لک سنک نتیجه طبیعیه سی اوله رق - دیگر اسبابکده انضمامیه - حکومت عثمانیه بالقان سیاستنده ، اسلاو لردن غیری عناصره ، صربلره ، روملره وحتی صوک زمانلرک بعض اماراتنه باقیلورسه ، روملره بیله استناد لزومنی حس ایتمشدر . دیمک ، ایزوولسکینک بو صوک تشبثاتی ده ، جرمنلرک ، یعنی آوستریا - مجارستان و آلمانیا نك ، استانبولده تأیید نفوذلرندن غیری برئمره ویرمه مشدر .

ایزوولسکی ، ارنستال ایله دوللوسنده تماماً مغلوب اولدی . روسیه نك اقصای شرقده غائب ایتدیکی منافع وشرقی ، شرق قریبده تعمیر ایده مدکن باشقه ، دیگر مغلوبیتلر ، دیگر محجوبیتلر ده یوکلندی . بویوک روسیه احداث ایچون ، قره دکز حوضه سنه توجه ایتدیکی زمان ، پروفیسور شیمانک دیدکاری چیقدی : بیزانس یولنده آوستریا چساری ایله آلمانیا قیصرینک قوردقلری پوصویه اوغرایارق رجعته مجبور قالدی . اسکی دوستی فرانسه ، یکی رفیق انکلتراه امیددی درجه سنده معاونت ایتدیلر ، ایده مدیلر ... ایزوولسکی ، ارنستال قارشینسنده یالکز قالمش کبی ایدی .

انسانلر ، یالکز غالبلری ، موفق اولمشلری آلفیشلار .

« یشاسون مغولر ! » تاریخک انک یالانچی ندالرنندن در .

مغلوبک دوستی ، شناکاری یوقدر : اولجه ایزوولسکی یی یاقین شرق میدان ظفرینه کیتمک ایچون ترغیب ایدنلر ، مغلوبیتنی متعاقب یوز چویردیلر . روس افکار عمومی سی خارجیه ناظرینک علیه نه دوندی . ایزوولسکی ، خارجیه نظارتندن چکله میه مجبور اولدی . بر چوق سیاسیلری آزن مسئله شرقیه ، اونی ده نهایت قیروب آتمشدی ..